



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მახვილაძე ლევან სილოვანის ძე



ლ. მახვილაძე

მახვილაძე ლევან სილოვანის ძე (27. IV. 1931, ქუთაისი, – 30. III. 2014, თბილისი), ინჟინერ-მშენებელი. საქართველოში საინჟინრო აკად. ერთ-ერთი დამაარსებელი და პირველი ვიცე-პრეზიდენტი (1992). ტექ. მეცნ. დოქტორი (1992), საქართველოში სახელმწიფო პრემიის ლაურეატი მეცნ. და ტექ. დარგში (2002).

დაამთავრა სპი-ის (ახლანდ. სტუ) სამშ. ფაკ-ტი (1955). მუშაობდა სხვადასხვა თანამდებობაზე (1955–63). იყო საქართველოში მშენებლობის სამინისტროს ტრესტ „მეტალურგმშენის“ უბნისა და „ტრანსსპეცმშენის“ სამმართველოს უფროსი, რკინაბეტონის ნაკეთობათა კომბინატის დირექტორი (1963–71); საქართველოში მეცნ. აკად. კ.

გავრიევის სახ. სამშენებლო მექანიკისა და სეისმომდეგობის ინ-ტის მეცნიერი თანამშრომელი (1971–73), საქართველოში მშენებლობის სამინისტროს საპროექტო ტექნოლ. ინ-ტის, „მშენინდუსტრიის“ (1973–76) და რუსთავის რკინაბეტონის ნაკეთობათა ქ-ნის (1976–იდან) დირექტორი. ეწეოდა პედ. მოღვაწეობას.

მ-ის სამეცნ. შრომები ეხება ახ. სისტემის მრავალსართულიანი შენობა-ნაგებობის სეისმომდეგობისა და კომპლექსური საიმედოობის საკითხებს.

გამოქვეყნებული აქვს სამეცნ. ნაშრომები. არის გამოგონებების ავტორი.

მიღებული აქვს ღირსების ორდენი (2002).
